

126 تاضصا د-يمطاون

- 1 لڱغ-د-يسّوضا ربّي عيمزواڱن س-لمدينټ-نس
نکني عيرواس-اغ زوند عيغ-ا-نتوارڱا.
- 2 ار-کولّو-نتيرير س-يموريڱن د-لفرح،
ار-کولّو-نضصا س-لفرح عيڱوټن.
- 3 عنين لڱنوس «ربّي عيسکر-اسن لعجايب.»
ماياد ا-ف-نفرح اشکو لعجايب اد-اغ-يسکر.
- 4 سوورّي-اغ-د-ا-ربّي تفکت لخير عي-تمازيرت-نّغ،
زوند لعيون داد-حيانين غ-يسافن زوانين.
- 5 غويلّي فوغنين لوحن-ين امود س-يمطاون،
تني ا-را-يمگر س-لفرح عيڱوټن.
- 6 غوالي عيفوغن ياسي امود ار-يالّا،
نّتان ا-را-د-يکشم ياسي-د-تادليو س-يموريڱن لّفرح.